

ces nouveaux Chrestiens: Quoy que s'en foit, de cinq enfans qu'ils auoient, les voila quasi reduicts à vn. Bien-toft [78] apres ce discours, l'vn de ses enfãs fut pris d'une fiebure etique qui luy osterà la vie dans peu de iours, car il n'a plus que les os qui luy percent la peau en plusieurs endroicts. A quelque temps de là vn autre qui estoit au feminaire, fut faisi d'une autre maladie qui luy a duré depuis cinq mois, & pour le present on ne luy donne plus que peu de iours de vie. Son fils aîné, âgé d'environ quatorze ans, qui estoit aussi nostre Seminariste, luy seruoit de consolation dans ses aduersitez, car en verité c'estoit vn enfant bien fait, & d'un excellent esprit: vne defluxiõ ou vne pleuresie le faist inopinément, & apres luy auoir fait souffrir de grandes douleurs, l'emporta dans peu de iours dans nostre Maison, où on l'auoit apporté pour estre pensé plus commodemēt. Son pere ne bougea d'apres de luy tandis qu'il fut malade; sa mere le venoit visiter tous les iours de plus d'une grande lieuë. C'est dans cette maladie que nous reconnufmes la foy du pere & de l'efant, la fièvre estant deuenue si chaude & si violente, qu'elle le faisoit par fois extrauaguer. Si-toft que ce pauvre enfant auoit quelque relâche, son pere no⁹ appelloit, & nous prioit de luy parler de Dieu pour bien disposer [79] son ame à la mort. Je l'ay veu par fois se ietter à genoux auprès de s^õ liët pour prier Dieu, & le faire prier à son fils; sa mere prioit de son costé, & tous deux firent vn vœu à Dieu pour la fanté de leur enfant, mais avec vne tres-grande resignation à la volonté de Dieu: Ce n'est pas nous, disoient-ils, qui commandons à la vie, si tu preuois, ô grand Capitaine du Ciel, que nostre enfant venât fur l'aage, ne te vueille pas